

溥
瀆
奚
氏
宗
譜

馬



子
懸

題



以
然

上海图书馆

登记号码

JP 00000315A

溥瀦奚氏宗譜卷之二十四目次

列傳

星若奚公傳一

薛玉堂

鶴巖奚公傳四

徐宇昌

候選少尉上林奚君家傳五

薛傳源

母舅顯明奚公傳七

黃承祖

建夫奚公傳八

戚昂

節母馮孺人傳十

德鏗

晴霞奚甥傳十一

薛淇



祖考向書府君暨祖妣陳太孺人合傳十三 能 彥

亮敷奚公傳十四 王繼之

叔祖蔭庭公暨徐孺人合傳十五 能 錦

湘佩奚君傳十六 王宗洹

母舅悅明奚公傳十七 黃承祖

載昌公暨過孺人合傳十八 能 述

叔祖蘊和公傳二十 九 成

族叔祖殿臣公家傳三十一 黼 恩

族叔祖殿英公家傳三十四 黼 恩

楚琳奚公傳二六

趙昌祚

如泉公暨配劉孺人傳二八

忠源

族伯杞南公道生公合傳三一

能徵

族伯義彰公暨任孺人合傳三三

能述

世伯載揚奚公鳳儀奚公合傳三四

陶蘭蓀

從兄步雲公暨步蟾公步青公公合傳三六

德璜

孔昭公家傳三七

黼恩

南生公傳三九

黼恩

釐鬯奚公暨配王孺人傳四一

陳熙治

封翁晉庭叔暨畢太宜人傳四四

九成

奚公盈泉暨配潘孺人傳四六

包廷揚

奚公秉忠傳四八

包廷揚

建寅公傳五〇

忠源

奚公龍生暨配呂孺人傳五一

包廷揚

奚公雲程傳五四

包廷揚

鼎昌公暨配李孺人傳五六

忠源

九臯公傳五九

包廷揚

蓄亭奚君傳六一

包廷揚

瑋堂伯獻廷叔合傳六三

能楷

雋卿先生小傳六四

黼恩

賓安公傳六五

九成

節嫂石孺人傳六七

黼恩

族兄盈川公暨配胡孺人傳六九

九成

廷楨奚公暨配徐孺人傳七一

吳鴻甲

子鐘奚公暨薛宜人傳七五

張之純

司馬潤如弟傳七七

九成

節母薛孺人傳八〇

黼恩

清源公傳

遠定

...

...

...

...

...

...

...

...

...

...

...

...

...

...

...

...

溥瀦奚氏宗譜卷之二十四

星若奚公傳

余冲年寄讀溥瀦曾氏因知溥瀦仁里也其間巨族首推奚氏往往多偉人顧其甲第增榮詞章競爽者指不難數屈若夫含淳守樸志古居今爲善政於一堂培根莖於百忍者正未易數數觀也今余世交曾君鴻亭手乃泰山行狀爲其子若孫請傳於余余披閱之不禁欣然幸得其人焉公諱樹炳字星若鼎三公子也幼而敏慧甫就塾輒過目成誦緣鼎三公幕游西蜀家政早肩遂棄儒業賈其惇信義謹出入豈今

之習於市儈者可得幾其萬一哉無何娶徐孺人不期年而
夢徵炊日繼娶高孺人鷄鳴誡警井曰親操凡仰事俯育無
不先意承志公藉是無內顧憂得以專心賈業天相吉人億
則屢中自是家業隆隆然起闢田園築堂構何莫非公立心
制行有以致之邪公孝弟出於天性方鼎三公倦遊旋里正
值花甲初週公卽爲稱觴計鼎三公喟然曰慶則易矣無孫
奈何公退有憂色適族有遺腹生者方孤寡難全公卽告明
族眾裹血抱回承繼爲嗣孺人則屬毛離裏不啻己出也至
新春親戚慶賀者盈門鼎三公忻然以樂公亦怡然以安旋

遭風木生悲鼎三公溘然長逝公則外盡禮內盡哀往弔者
闐巷人方稱鼎三公一生仁厚忠直是以克昌厥後而公猶
以殯不成禮爲憾公叔父積三公未嗣育而中年絃斷公本
奉養以父事之迨鼎三公謝世公益加孝敬曰不幸而無親
猶幸而有叔也事吾叔卽事吾父吾何敢怠乎於是亦爲泛
霞觥稱上壽迨寢疾湯藥必手調也易簀後衣衾棺槨必從
豐也更憫其無嗣且嗣無可推也以己出次子從孫輩嗣之
治喪之夕一切儀禮較勝於鼎三公非所謂踰也貧富不同
也公從叔祖母莫孺人係公叔遵三公嗣母早年喪偶無恆

產可依公迎養之生則甘旨時承歿則喪葬已任始終數十年無間言嗟嗟今之孝者是謂能養而公之敬其所尊愛其所親不使纖毫拂親意者殆古之所謂養志者非邪續舉文夫子四延師修饈俱極豐厚而於承繼長嗣爲尤甚蓋因材教育非有所偏雖未博一衿其繼書香一綫亦可以慰先人之志迄於今蘭芽桂茁濟濟雍雍知天之所以報施善人者正未有艾也晚年婚嫁事冗外侮時至雖公經營擘畫外侮亦以柔道濟之而食指浩繁家道不無中替而公初不介意惟稍有所負晨夕芒刺不安有勸公者曰此子之任胡戚戚

也公瞿然曰前車覆矣後車當戒吾甯以清白傳家斷不遺宿逋爲諸子累也且兒孫自有兒孫福何俟我堂構爲故卽將所構房屋出售盡償其項而後卽安其淡於得失彼我無一毫苟且如此其與今之貌爲古道者相去幾何哉余故益信此行此誼之不易覲也余生也晚不獲聆公教益覲公儀型但於垂髫嬉戲時偶至奚村見有偉然其貌修然其髯飄飄然若古賢臣風範者歸塾詢之則曰此奚公某人也因默而誌之不敢忘今公令坦述公之像道公之名余低徊久之猶恍然若遇因在公餘雪窗煖酒索素箋磨古硯呵凍筆而

爲之傳云

賜進士出身

誥授奉政大夫安徽廬州府同知前內閣中書協辦侍讀文淵閣檢閱會典館纂修官年眷晚生薛玉堂頓首拜撰

鶴巖奚公傳

壬申秋八月有榮斌鄧君者攜其岳翁行狀乞辭於余余展閱之因知卽爲族甥某公蓋廿年前相資相麗同術同方者也公之行誼且能追憶而縷縷狀之今其壻來請安敢不援筆而爲之傳公諱樹芝字毓階號鶴巖琛質公長子也琛質公爲予族伯九如公壻精勤舉業小試輒不利年逾五十賈志以歿公體父志發憤下帷窮年矻矻遂補博士弟子員文采颺發名噪芹宮每試輒優等但屢戰棘闈抱奇不偶爲人沈靜不苟言笑訓諸子課甚嚴文稍不愜輒代爲終篇中年

曾設帳伊舅氏九如公家余每造謁見諸弟姪皆恂恂雅飭
文行兼優未嘗不竊歎化育之仁非近今之師傅所得而
比自後文譽日益隆遊門牆者日益衆凡經公甄陶而蜚聲
庠序者不可勝數眾方謂業精行成晚年或可高捷一第誰
料年屆五旬玉樓見召致有志青燈黃卷者莫不同聲惋惜
至其重彝倫敦孝友言可爲坊行可爲表則具有口碑余不
必贅

愚舅徐宇昌拜撰

候選少尉上林奚君家傳

少尉末秩也候選未見設施也曷傳焉不知人苟大節有虧雖秩躋卿貳當時則榮歿則已耳苟實行克敦一鄉取重雖一命之微可以不朽則知人不以職重而以行重也上林奚君洵其人焉君姓奚氏名樹苑字上林爲孔門賢者後裔宋南渡有官主事者諱世炎始遷江陰爲鼻祖祖又漁父朝櫛俱有潛德君少攻舉業屢試不得志然能盡雞豚逮親之志洗腆之養踰於素封年甫冠而太翁與太夫人一月相繼逝世哀踊太過至於毀瘠遠近憐之家本屢空又兼多故積逋

千金不得已輟舉業師端木氏術天相吉人億則屢中大有
貨殖風諸逋清償無恡踰年爲幼弟娶婦俾成家室又踰年
建承志堂以厥考有志未逮獨力葺成顏曰承志君之意也
中年循例受少尉職方冀有所建白因屈於資格捧檄無時
遂終其身爲候選云君廣穎豐頤軀甚偉而性甚平與人交
無疾言遽色素善飲然不使過量故終身無醉時綜其生平
無一事不饜人望而其大者尤在孝友二端配石氏生子二
女三婚娶皆名家君第二子鳳儀予壻也以鳳儀之請按其
行略而爲之傳蓋不敢溢美云

薛傳源曰近世崇富厚尙榮貴有孝友足稱者不可勝數矣而吾獨重少尉奚君之孝友性成鄉評無愧則豈非以孝友者雖庸德實至德與然則君雖未見設施已合聖人是亦爲政之意足傳矣不朽矣

姻眷弟薛傳源頓首拜撰

母舅顯明奚公傳

母舅諱樹熠字顯明號岳亭。先外祖範三公冢子也好讀書有孝行甫弱冠娶舅姪。任孺人越數年而中表楚寶生卽喟然歎曰有子萬事足丈夫志在四方吾安能鬱鬱久居此邪適有外祖晴川公宦甘省札招往焉公意遂決將家政委孺人不數日卽登車就道抵甘。晴川公係邑閑曹方以清況爲慮適鄰邑戚好鮑君及朱君蔡君交相聘請屈指數十年間理繁治劇雖係代庖其有功於政治豈淺鮮哉性慷慨樂善好施縞紵皆海內名士復以壯志不懈援例入

太學爲進身階嗣後外祖範三公倚闕念切兩陟西秦回
里時除飲食衣服之外一切玩好無不籌備外祖平安旋
里與外祖母共享太平非公之孝思有以格之歟公老成
練達素爲當道所推崇中表楚寶幾次束裝北上請回家侍
奉而公以人地相宜歸與難賦遂構房屋買婢僕爲退休計
孰意經畫多方心力交瘁竟卒於甘承生也晚未獲聆公教
益覩公儀容而公之碩德懿行彰彰可考求之當代有幾人
哉若舅氏者可以風矣

愚甥黃

承祖

百拜謹撰

建夫奚公傳

公諱樹豫字建夫號立齋恩進士晴湘公子也少稟異姿
左國史漢靡不畢讀作文能自出機杼不落窠臼是以遇試
輒冠軍但體質素弱讀書至更深卽面赤目眩不能支持遂
棄小試援例入成均欲藉是爲進取階無如以家乘輟學不
能遂志然於酒闌燭跋時道及制義每撫掌掀髯娓娓不倦
延名師課子隆修脯豐供膳緇衣之好出於中心其一生立
心制行惟以文章顯名爲念公性情慷慨有豪俠氣遇事侃
侃諤諤不爲威惕不爲利疚是非曲直片言立剖其明決有

過人者處族中事尤以排難解紛爲念慤誠懇摯曲意彌縫
適有未協必暗墊已貲周旋其際使不至於終訟里黨中事
無巨細必經公裁酌然後愧服當道察其賢能凡遇設厰賑
荒修橋建閘諸政悉舉公董其事時論歸之不啻漢世潁川
之陳仲弓太厚之王彥方嗚呼孰謂古今人之不相及邪至
於事親以孝持家以儉接人以禮待下以寬一切嘉言懿行
有千萬言莫能殫述者固不克爲公詳敘也配衛孺人數載
逝世繼配沈孺人系出名門幼嫻閨訓鷄鳴戒旦井臼親操
共稱賢助惜乎公壽不永年僅四十有六忽染病不起天之

報施善人其何如哉然天道昭昭權衡不爽觀公三子長德
奎蜚聲鬢序次德星德翼恂恂雅飭祖武克繩諸孫髫年英
發頭角嶄然易曰積善之家必有餘慶不有得於其躬必食
報於子孫矣吾於公有厚望乎哉

年家眷弟戚昂頓首拜撰

Faint vertical text line

Faint vertical text line

Faint vertical text line

Faint vertical text line

Faint vertical text line

Faint vertical text line

Faint vertical text line

Faint vertical text line

Faint vertical text line

節母馮孺人傳

嗚呼值倫常之變而能矢志柏舟之死靡他者求之近世往往難之乃鏗所見馮孺人堅操定識雖古人所稱鍾郝遺範何以加焉孺人爲鏗從嬸叔達夫公德配也系出名門幼嫻閨訓歸公鷄鳴戒旦鴻案相莊曲盡婦道不數年公忽染疾竟赴修文孺人哀毀骨立誓不欲生叔祖母薛太孺人慰之曰死者不復生徒以死節爲重卽從泉壤於夫何益能以婦道兼子職撫嗣繼後得延夫祀其於死節不愈重乎由是節哀治喪操持家政攻鍼帶勤紡織卒歲劬勞以給衣食而能

事姑以禮撫嗣以慈數十年茹荼食蓼辛苦備嘗遂能稍積
 餘貲斯非巾幗之丈夫歟稽我
 朝旌門之例年在三十前始克建坊旌表孀之孀年僅二十
 有四於旌典之例尤符他日觀風採擇邑乘流芳其松筠
 節操直與孝子忠臣同時不朽矣豈不偉哉

愚姪

鏗

頓首拜撰

謹

晴霞奚甥傳

大凡不遇盤根錯節無以別良工利器不歷寒露嚴霜無以見松柏堅貞余於晴霞奚甥驗之益信矣甥諱均字廣和晴霞其號也姊丈來文公冢子嗣伯啟文公爲後性敏慧讀書過目成誦作文筆如游龍初赴試縣府卽拔取前列因丁生父艱不克應院試人俱爲嘆惜甥敦天倫薄功名盡哀盡禮就豐營葬孺人三原配徐孺人及瓜而卒任孺人王孺人繼娶繼亡數年間喪葬婚娶指不勝屈甥之境遇可謂盤根錯節矣乃一一應之恢恢乎游刃有餘者非良工不堪當此也

遺產無幾不足以償逋欠誠恐遺累諸弟遂分析獨肩逋累
惟以食指浩繁家徒壁立爲慮於是焚膏繼晷兀兀窮年仍
得蜚鳴庠序而甥尙圖進取每遇大比無不竭蹶以應無如
屢落孫山後因硯田無獲文不能賣錢字不能易粟學顏氏
簞瓢終無所藉甥乃處之淡然惟寄志於典謨怡情於筆墨
寫蘭撇竹卽景賦詩甥之耐寒貞守豈可及哉癸亥歲余任
戶部坐糧廳甥來署素慕其才學延爲西席逾年鄉思忽動
寢食不安叩之謂子女五人俱未聘字是以朝夕耿耿耳余
曰此人情中事也不可強留遂束裝回南後得手書知習岐

黃術救人於顛危者不少爲長男德介婚娶二女出閣更能
部署有餘大都賴是及余常德解組回甥已赴玉樓召旣不
克謀面將生前事實歷陳而爲之傳

賜同進士出身

誥授朝議大夫原任湖南常德府知府前吏部文選司

欽命山西大主考戶部坐糧廳愚舅薛淇頓首拜撰

祖考向書府君暨祖妣陳太孺人合傳

世鮮有賈業而儒行者如我。先大父向書府君洵足軼類超羣矣。大父生平行誼，不能殫述，茲猶有一二能述者，幸得諸吾父遺訓也。吾父存日嘗語不肖等曰：汝祖業賈者也，汝曹亦知其賈而儒乎？汝祖生平負李杜才，汝曹聞且稔吾慮，汝曹所未稔者，汝祖行誼何若耳。遂於券篋中檢出省過錄一冊，示不肖等曰：此汝祖手錄也。汝祖曩時言動偶失，無論何時何地，輒援筆直書以作將來戒。卽此一端，汝曹遵之已可率乃攸行矣。他若置膏腴新堂構

援例陟官階爲子若女畢婚嫁種種創鉅艱深凡庸夫俗子
嘖嘖稱道弗衰者不足爲汝祖奇也余亦不必爲汝曹贅
也彥默識之不敢忘嗟乎細行不矜終累大德于大父一言
一動尙立省過錄不少寬若此畢生大節夫復何疑尤可欽
者先大母陳孺人歸大父有梁孟遺風卅載持家諸
艱備歷一生淑德悉數難終總之不愧爲于大父良匹吾家
素寒微先大父昌大門閭實肇自于先大母于歸之後亦
可知大父之深得內助力矣彥不贅

孫男 能彥 百拜謹述

亮敷奚公傳

公字亮敷諱樹政號蘆洲體元公子也少好學工詩困於童子試入國學又困於都試乃絕意功名以躬行仁義自任人有求無勿應也里有爭而訟者訴於君聞君言無不心折而解久而德薰於鄉鄉之人有爲不善者至私相戒曰勿令奚君知之故自里有奚君溥瀦無爭訟者數十年里有義成橋江錫往來孔道也圯於水君獨力修之費四百餘金道光癸未江邑大水泗河尤甚比戶皆雲龍山人之草堂也歲大饑人無所得食

朝有勸富民助賑之命邑令命君董其事顧里中貧者多而富者少無以給也君乃破產以賑之邑令嘉其事爲請於大吏以達於

天子

錫九品冠服爲登仕郎然自是家日落矣君固怡然也曰吾少困於名場今老矣無能爲役有子在苟能讀書貧非病也好善樂施老而不倦壽六十四歲而卒卒之日知與不知咸爲之出涕曰古之善士也

勅授安徽潁州府阜陽縣儒學訓導姻晚弟王繼之拜撰

叔祖蔭庭公暨徐孺人合傳

公諱樹蒼字蔭庭惠吉公冢嗣也少謹厚品行端方及長娶徐孺人治中饋勤紡織與公事堂上親甘旨無缺迨霜露生悲皆盡哀盡禮雖公之孝友性成半係孺人贊襄之力也嗣後適遭多故家道稍落遂命子德襄操計然術凡一切往來酬酢誠信不欺四方咸敬服之斯真取與不苟以義爲利者歟用能積銖累寸家業日隆擴田園築堂構爲德襄援例入成均有爲有守公足以當之矣然而膝下有獨角麟益冀桐孫林立也由是樂善好施隱行其德者數十年不倦後爲德

襄納筮果連舉兩孫公喜而後可知也曰吾志願足矣晚年
來益自砥礪返樸歸真每逢花朝月夕邀二三知己開懷暢
飲以樂餘年宜其鴻案相莊並臻耆壽也茲當家乘重修叔
德襄述公行事屬傳於余故不揣鄙陋爲敘其巔末如此

姪孫錦頓首拜撰

湘佩奚君傳

士有百行克全者蓋寡湘佩既百行皆備吾轉無以名之矣
間嘗過尊祠讀楹帖曰孝弟忠信禮義廉恥不禁躊躇滿志
曰此真可以概湘佩之生平矣昔杜子元時人謂之真秀才
非精文藝之謂其謂立身行己無愧乎聖賢無慚於名教以
是爲士林之表率也湘佩非其流亞歟顧困守書城眉不一
展年逾強仕遽攫心疾暴終嗚呼何數之奇也然方易簣時
一鄉之中人無知愚賢不肖哭皆失聲嗚呼湘佩不死矣余
嘗謂六極之說有理焉有數焉小人蹈之理也君子蹈之數

也理可知而數不可知夫以湘佩之制行卓卓猶莫逃於不可知之數世之為善者沮矣余將呼彼蒼而問之

姻愚弟王宗洹頓首拜撰

母舅悅明奚公傳

士君子必待其人名垂青史績著旂常乃從其後而鋪張之揚厲之以爲若人始可傳也則已迂古來閭巷之士砥行淑身其名磨滅而不彰者何可勝道余舅氏悅明奚公諱樹燿先外祖範三公次子也其先世家渚里代有聞人性淳樸屏浮華值先外祖家道中落艱苦備嘗而舅氏能勤儉持家以承先緒生平和藹易直事親孝交友信而於睦婣之悃益惓惓焉斯亦可以傳矣余自少而壯壯而老相聚之日多故知公最悉中表釐瓚從余學彬彬爾雅折矩周規義

方之教有自來也猶憶癸巳歲余秉鐸北譙
舅氏曾放山陰之棹爾時太孺人精力猶然強健中表亦在署中相與
剪燭西窗歡然道故繼緒情殷一堂聚首樂莫大焉未幾承
祖失恃抱恨終天而舅氏亦旋赴玉樓之召回首當年愴
焉欲絕能無下西門之淚乎茲值外家續修宗譜中表囑余
傳余自愧筆墨荒蕪不能名舅氏之德於萬一然渭陽情
切玉成之雅時厯於懷略陳數語用志勿誼舅氏云

甥黃承祖百拜謹撰

載昌公過孺人合傳

載昌公者遵邵公子也諱樹勛號載昌遵邵公所生僅公一
人生公時遵邵公年已踰四十愛如掌珠公體弱自幼及長
保護周至惟恐其有疾病也無何遵邵公於嘉慶十三年倏
焉逝世公年雖未及成童而已知抱恨終天哀戚不已公之
至性然也越數載娶過孺人琴瑟和調如賓如友時宋孺人
在堂子盡子職婦盡婦道得宋孺人歡心奈艱於子息孺人
知不自育日夜以爲憂因以李氏爲簪而勸夫君納焉公亦
以似續爲念遂俞孺人之請且謂孺人曰哀鰥寡恤孤獨振

困窮補乏絕仁德也予家稍有薄產予欲割其半以周族人或者可以延子嗣汝其勉之孺人曰諾是時公已患虛弱症無幾時李氏果懷妊而公病日篤卒以不起孺人慟哭幾絕誓不欲生有從旁勸慰之并以大義責之者曰夫雖死李氏之妊尙有冀也且年老羸病之姑在堂其起事之孺人遂起視事供職如常詎意夫方死而姑宋孺人又病故孺人以一身而肩重任三月而遭兩喪孺人之所遇可謂艱矣乃事死不異事生盡哀而又盡禮孺人之爲婦可謂賢矣逮李氏於是年冬誕叔德馨孺人遂撫孤泣而言曰祖宗之祧有繼夫

君之嗣不絕矣而孺人之用心可謂苦矣越明年孺人記夫遺囑之言卽邀請族中尊長及當事者若而人告以其故慨然將田五十畝捐入祠中以作義田永遠爲贍族之計嗟乎載昌公言之於前孺人果行之於後此非素知大義樂於爲善者能如此哉惜乎天不假年未盡孺人之設施也孺人卒於道光二十一年八月初一日後載昌公十二年而歿然孺人卽是不朽矣載昌公亦於是不朽矣戊申歲吾族續修宗譜因叔德鋈之請作是傳云

再姪 能述 頓首拜撰

自漢書有海濱

之說

漢書地理志曰東海濱海

東海濱海之東

東海濱海之南

東海濱海之西

東海濱海之北

東海濱海之東

東海濱海之南

叔祖蘊和公傳

癸巳歲續修宗譜將告竣蘊和公內阮庠彥孫君協五相謂曰人第見潤如陡發家貲雄暨南名噪一時皆譽其才畧有大過人處不知俱從祖父積累中來也其父晉庭公行誼子見而傳之其祖蘊和公之高風亮節竟忍聽其湮沒不傳乎余曰唯唯否否公名固耳熟第生也晚末由窺見一斑不敢漫擬因爲孫君述其晚節焉公諱樹礪字蘊和號漁隱雄文公子郡增生醒齋公之孫嗣伯蔚文公後數傳以儒名家公束髮攻舉業精通書史下筆輒成章因家非素封治硯田爲

生計試不卽售置功名於度外廣栽桃李遊其門者咸被時
雨春風之化後舉丈夫子三皆英英玉立家政得息肩年屆
六旬言加信行加義公平正直爲鄉邑祭酒有善舉身爲倡
有爭端力爲解里閭不論巨細事必得公一言而人始帖然
由其平時見之也明故臨機決之也當所最難者兩袖清風
爲人排難解紛竭盡心力曾不索酬卽酬亦盡卻廉潔本於
性成常懷酌貪泉覺爽處涸轍猶懼之意以視縈情利祿福
享儻來者豈可同日語哉比過古稀杖履優游精神矍鑠淨
洗俗塵萬斛惟以盆花拳石自娛然泰山北斗望日益隆遠

近踵門決事者轉無虛日公亦出聲朗朗剖析若燭照龜卜
無纖毫或爽且不稍形倦勤一時倚若長城焉嘉慶戊寅道
光戊申兩次修輯宗譜公皆助理宣勞載在譜牒彰彰可考
至事親若何孝敬處昆季若何友恭少時經紀若何辛勤勞
苦不特孫君不及見卽最年高者亦不及知余固爲公深惜
其不幸也一不幸於時遭兵燹公生平手澤與凡壽序祭文
都成劫燼以致杞宋無徵再不幸於宗譜遲修老成盡爲鬼
錄不能綜覈其一生品詣俾後人得窺全豹斯亦時數之適
然而無可如何也雖然與其粉飾張皇詞多溢美何如撮大

要於口碑與頌之餘不失廬山真面耶是又不幸中之厚幸也夫

也夫 效其主品格竹竹人等真金佛銀花初建之族

把酒醉之以對淵宗府燈山年如 姪孫九成頓首拜撰

其心出也 亦平其州也 矣亦亦亦亦亦亦亦亦亦亦亦亦亦亦亦亦

其心出也 亦平其州也 矣亦亦亦亦亦亦亦亦亦亦亦亦亦亦亦亦

其心出也 亦平其州也 矣亦亦亦亦亦亦亦亦亦亦亦亦亦亦亦亦

其心出也 亦平其州也 矣亦亦亦亦亦亦亦亦亦亦亦亦亦亦亦亦

其心出也 亦平其州也 矣亦亦亦亦亦亦亦亦亦亦亦亦亦亦亦亦

族叔祖殿臣公家傳

光緒癸巳之夏續修家乘距殿臣公之卒十有六年其孫能績詣余塾乞傳固辭不獲乃卽其生平次之公諱樹棟號殿臣世居泗河鎮之西圩自前明武功將軍成公十一傳至金聲公爲公之曾祖祖佩章公父廷邦公代有潛德廷邦公生子三伯氏早亡公其仲氏也少時出就外傅資頗可造家貧不能卒讀遂棄而習農年逾弱冠躬率亞旅力作於南畝西疇因其天時辨其穀性而又濟之以勤故收穫恆勝他人此亞聖所謂上農可食九人者也庚申歲粵寇陷三吳焚掠幾

遍瀦鄉三面環水賊蹤未至故街市特興公乃偕二三知己設肆於西偏漸致多金田園遂擴癸亥之春賊始肆擾公懼先人之類庭堅也又幸室家之有託也挈一子一姪先奔東土是歲夏秋人死如麻公歷鉅劫而全家無恙豈非天相之歟凶焰甫除卽歸故里於市中仍理舊業明年厥弟歿公雖獨持門戶而衣食裕如復出餘貲以改建舊居添構後屋美輪美奐誠有如張老所言者無何子與姪俱成立遂屬其親族凡昆弟共置之產與己獨置之產悉兩分之其無私蓋如此瀦里有支祠鑲公後裔所建祠少恆產公與族尊倡議於

原德公等祭田內量提數十畝以益之僉以爲可事果行自是歲修時祭無不給之虞西圩之東有安慶橋者村人歸市所必由年久將圯其橋素有田租儲爲修建之用公收集存項經營改建不憚煩勞閱數月而告成行者德之泊乎晚歲逍遙閭里偕其老友啜茗談心而後喜可知也生於嘉慶二十四年己卯二月三十日卒於光緒四年戊寅十月十二日配陳氏閩訓夙嫻克相夫子子一德瑤女一適村前胡孫三人長能績次三早亡

論曰 恩生也晚不獲盡見公之行事顧當其晚歲杖履逍遙

遊於市中亦時一接之悉其生平悃悞無華坦懷相與卒之
 享其豐厚後起皆賢誰謂天之報施或爽耶世之機械變詐
 務欺人以爲快者其後果何如哉孰得孰失旁觀可以悟矣

十一月二十日亥時卒於家終年八十二

其子孫皆能其志其子孫皆能其志其子孫皆能其志

其子孫皆能其志其子孫皆能其志其子孫皆能其志

其子孫皆能其志其子孫皆能其志其子孫皆能其志

其子孫皆能其志其子孫皆能其志其子孫皆能其志

其子孫皆能其志其子孫皆能其志其子孫皆能其志

族叔祖殿英公家傳

余既爲殿臣公立傳而殿英公之傳不能辭也公諱樹璽字三奎號殿英廷邦公三子先世以穡事傳公輟讀遂承其業年幼而弟凡春耕夏耘秋收之事一受命於殿臣公兄倡始而弟隨之畎畝之中見天倫也兄勉作而弟助之積倉之豐因人力也殿臣公既設肆公相助爲理材力逾人故數年託跡市廛倚公如左右手同治癸亥春楚氛日熾閭里皆徙公謂其兄曰今日之勢不有行者宗祀或墜不有居者田園將蕪子多相識行可也我能忍苦居可也殿臣公遂挈子姪以

出公於農事一如平時夏秋之交賊益充斥公率所留細弱
暫避於東後與兄同還故里田臥黃雲西成可慶雖當大亂
甫經人無所食死亡枕藉而一家不餒者公之力也惜乎才
能應變天不假年未久而歿儻所謂修短有數是耶非耶方
江邑之初掃凶氛也常郡城垣未克其鄉絕少居人異地奸
民往拆屋木以售源源而來爲之主者獲利三倍公慨然曰
宅主言旋無所蔽風雨已我不忍利其利也觀於此言其存
心可見而其行事亦概可知矣公嗣伯贊玉公後生於道光
二年壬午閏三月二十六日卒於同治三年甲子三月二十

九日配朱氏勤於操作有桓少君之賢先公而卒子三長德行次德忠三德信皆務本力田克恢先業孫五人能組能紳能純能約能緝能純早亡

論曰漢陳太邱評其二子曰元方難爲兄季方難爲弟蓋兄弟皆賢無所軒輊也恩前傳殿臣公方歎難爲其弟今傳殿英公又歎難爲其兄矣孰謂古今人不相及耶

姪孫黼恩拜撰

楚琳奚公家傳

楚琳奚公諱樹順。恩錫耆士世居江陰泗河鎮爲邑南望
族父朝星本生父朝覃俱隱德弗耀躬耕食力有高世風公
承累代胼胝後見世途之嶮巇而祖德之忠厚留貽恐稍習
時趨卽無以荷先澤也喟然曰世務未嘗誤人第人習於世
務則練達日深脂韋日甚面目失其固有口腹寄於儻來斯
誠大誤矣吾有先人之敝廬在事畜於是作息於是餽粥於
是何事紛紛者爲遂服先疇而給力南畝焉顧困乏無擔石
儲里黨亦屢空不克有無相通第與孺人許氏黽勉作苦寒

暑勿輟而孺人中年體氣孱弱勞瘁過甚兩目失明公內外兼顧拮据不遑然春及夏畦未嘗少緩趨事其刻厲爲何如矣公精神內蘊面若重棗家鮮儲蓄衣履不完而情性慷慨不侵然諾里西北有蕩田者廣袤約百餘畝僅息草萊不足以供歲課咸利開墾顧徒役旣興或不能終厥事勞農傷財益滋後悔族孫晝堂子鐘有其地之半族黨分有其半咸欲得公一諾以徵信公慨然立任不數年悉成膏腴里中嫠婦貧不能自存者輒與周恤以全其節凍餒者代謀衣食爲卒歲計他若排難解紛以息獄訟婉言莊論以導長幼隨在有

之不啻行所無事至如署名券約不爲蘇代得兩國之金不
違樂罕喪不貪之寶猶公之瑣事不足爲公重也道光二十
九年夏淫潦爲災罄家所有賑恤鄰右咸豐六年旱魃爲虐
恤鄰之志不倦如初當道敘獎得荷恩錫如職公所居西
圩離市塵里許膠嶺排青滄溪漾碧稍香晚送蘆雪晴飛瞻
眺殊有勝景晚年築數楹於宅後延名師課孫書聲琅琅徹
於丙夜用以自娛喆嗣孔昭穩練謹慎而文孫筠如尤詞理
清拔頭角蘄然將不日騰驤霄漢豈非公克荷忠厚之留貽
歟公於昌爲從外祖行庚申避粵氛依公以居數月昕夕過

從幸仰丰采今其人已往行誼猶堪悉數也孔昭舅氏命其
誦述以永來茲昌不敢以不文辭爰傳其畧如左公暨元配
許孺人生卒葬子女孫詳譜牒世表不贅
論曰凡務末者畧於務本不知本已先撥雖張大其末何益
之有公以躬耕自給而以節儉所餘量力施濟務末歟務本
歟所謂荷先澤者其在斯歟卒也後起蒸蒸日徵昌熾誰謂
造物者能造夫物不任物之自造也

外孫趙昌祚拜撰

如泉公暨配劉孺人合傳

士君子生貧苦經亂離卒能手創家業身享大年必有過人之識之才之力若而人者吾於族曾叔祖如泉公彷彿遇之公諱樹倫字異源號如泉敦裕公仲子也雁行三長諱樹聚字國寶三諱樹金字錦和公次其間曲盡友愛年十四遽失怙時長兄年雖逾冠然主持家政獨力難支弱弟則甫離襁褓耳其母徐太孺人慮日用艱難欲以公爲僧公泣曰兒願爲傭不願爲僧傭則徐圖事業祖宗之血脈可延僧則決絕家門父母之恩勤莫報也母曰諾遂傭於外三年而后歸道

光己酉大水爲災廬舍圯焉奉其母往塘下橋外家暫依以居公則仍返故里以捕螺度日困難不可以言喻水退後百計摒擋除屋數椽始得奉母還乃因循至咸豐丙辰旱災又見告矣當其未成災也公號於鄉曰水爲養命之源旱象已見而猶不預防是自絕生計也迺挈其兄及鄰里之壯者日艤舟載水滿蓄於村河嗣果赤日當空雲霓難望他鄉河流漸涸田禾盡槁而里人免竭澤之患田畝得半熟之收者皆公之力也年當自立娶劉孺人于歸後相夫子以勤待伯叔以禮方幸內助得人可安居分堂上憂不料紅羊肆劫鄉里

逃亡公亦挈家外避舟出璜塘河與賊遇倉皇間棄舟而遁
斯時闔家雖免難然進退失據無以謀生輾轉達常熟之梅
里囑其弟伴母以居公則與其兄販賤鬻貴懋遷有無往來
於兵戈擾攘之中久之漸有所積此其膽識之優有非尋常
人所可及者迨邑城克復舉家旋里母與兄相繼作古殮無
棺木不得已拼門以代權爲殯葬時賊蹤尙未盡也一日值
賊遊騎於途矛幾及身公左挾被右執槩以禦之賊終爲公
計所惑斃焉蓋以公之才力素優故能見義勇爲若此也亂
既平公率其弟戮力田畝劉孺人勤苦紡織以佐之一家數

口得以溫飽且孺人持家井井有條公以是免內顧憂得以
餘力從事闖闖間家道由此漸裕焉其弟錦和年力方壯爲
訂姍特於錫邑鄒氏過門後劉孺人旋歿兄弟遂析爨各立
門戶公於服田力穡外復與二三知己合貲營業開竹舖於
錫邑設木舖於焦溪家業隆隆起於是擴田園構屋宇鄉里
稱小康矣回憶少時之丁貧苦中年之遭亂離相視奚啻霄
壤晚年長於族時爲人排難解紛族里罔不帖服而於建造
支祠後楹尤爲任怨任勞竭盡心力然終以是得疾而卒初
公以困境迭遭勞瘁過甚年四十七得膈疾水漿不入口奄

奄待斃矣忽夢寐中神人降視示之以壽命詔之以醫名醒後延夢中所詔之醫診之果服其藥而愈公之卒也壽六十有六適符夢示之期孺人之卒先公二十九載享年三十有二子二德圻德垣

論曰天之生才也必不虛生公在童年脫無特立之見終其身空門而已卽其後備嘗艱險設無幹畧以濟之亦委身草莽而已卒也爲農爲商以起其家而裕其後終其身事業隆焉公身長鵠立望而知爲英挺之才余少時猶及見之今其文孫仲英英發知書傑出儕輩僉謂公之澤正未有艾也

立於前矣其勢既衰則出醫藥會商再姪孫忠源拜撰

...

...

...

...

...

...

...

族伯杞南公道生公合傳

嗚呼倫常之地凡孝子順孫義夫節婦莫不載在史策勒諸
貞珉而獨於昆季之友愛則罕有所聞非略也書云惟孝友
于兄弟殆以能孝者必能友而能友者固無不孝無庸區別
於其間始知孝固難能而友亦不易也惟然而族伯杞南道
生兩公爲不可湮沒矣杞南公諱德基號蔭軒道生公諱德
本號稻孫叔祖功允公伯仲子也幼俱敏慧精舉業而志切
青雲一日功允公訓之曰吾觀汝二人尋章句勤筆墨弟不
如兄諳機宜通會計兄不如弟今衣食未饒尙須各安其業

兩公乃承父訓一則力學潛修窮經矻矻一則牽車服賈終日勤勤幸天相吉人道生公億則屢中遂得家業漸隆佐功允公部署婚嫁并爲公祖兩三公卜吉安葬斯時功允公已倦勤杞南公苦志芸窗未遑他務苟非道生公經之營之烏能若是邪且道生公素性慷慨有古豪俠風濟困扶危卽牀頭金盡而處之若有餘裕至栽培根本之地更能人之所不能卽如杞南公之肆力藝苑名振庠宮雖屬苦志自成何莫非道生公之支持家政使不紛志之功邪道生公每以舉業未成爲憾遂援例入國學族黨以其孝友敦篤僉議膺賓筵

之選而公仍以兄在爲辭故杞南公大賓之舉固屬杞南公
文行兼優例膺斯典而道生公敬兄崇讓之誠概可見矣是
以道生公疾病杞南公衣不解帶者兼旬易簀時哭之慟親
族勸以家政今萃汝身遂含淚爲之具棺槨籌喪葬一切儀
禮俱極豐厚殯事畢仍與幼弟同居悉體道生公生前模範
居恆嘗語人曰吾家苦無恆產乃婚嫁者三舉大事者再且
嗷嗷數口俱弟以一柱而砥中流我則窮年兀兀終身作老
蠹魚而已何知有戶外事哉嗚呼以杞南公之克紹前烈而
猶知兄不及弟則其所以愛其弟者亦至矣由是觀之兄不

弛既翁之歡弟夙敦孔懷之誼難兄難弟幾與元方季方相
頡頏矣乃俱數奇不偶兄屢薦不售弟委化數促且並抱伯
道之感豈天之報施不可知邪抑善報不予其身必蔭其似
續之子孫邪徵夙親道範深知兩公孝友性成有關名教但
恐歷久而湮沒也故不揣固陋爲之述其梗概附入家乘以
俟觀風者之採擇焉

愚姪

能徵

頓首拜撰

族伯義彰公暨任孺人合傳

古來之畸人逸士多矣若巢由匿跡隨光韜名而好古者尙留其姓氏以彷彿其生平故人苟有善足錄不容沒也卽如族伯義彰公冢良公之子冢元公之嗣子也諱德堅號義彰乃祖中一公爲吾族名士爲吾邑名師公雖未習舉業志未嘗不在詩書也公爲人醇謹老成忠厚敦樸舉丈夫子一延師訓課必誠必敬家故貧而修脯之豐不減素封也豈非欲培植佳子弟以繩其祖武乎以故閭黨之人益重之娶任孺人溫恭淑慎相敬如賓有梁孟風公居家勤儉孺人佐以紡

織操作與共人目爲賢內助云綜公生平無事不歸忠厚孺
人賢淑足以配之宜皆壽逾古稀而幾備箕疇之五福也雨
泉弟克自樹立不墜家聲超曾姪亦英英露爽頭角嶄然可
以見公之貽謀燕翼矣戊申歲吾族譜牒重修雨泉弟亦與
纂修因其屬而爲之傳不敢溢美云

姪能述拜撰

世伯載揚奚公鳳儀奚公合傳

奚君仁山予世講也曩從先君子遊時時道其尊人與其尊
叔友愛天至併及生平行事爲人至詳且悉予耳熟焉戊申
春間仁山世講過予問無恙外卽談及奚氏續修宗譜事因
出其尊人尊叔行略屬予合而傳之予曰是予所默識而心
焉嚮往者也敢以不文辭謹按行畧公諱德教字載揚號春
渠候選少尉上林奚公長子公弟諱德敷字鳳儀上林奚公
次子也公自幼卽攻舉業弱冠後猶偕弟鳳儀公出外就傅
同堂壘篋迭奏一家機杼自成人曰此奚氏雙璧也師曰此

奚氏兩驥也試郡邑輒居前列如選青然撥芹有日矣詎意上林公倏於嘉慶九年春逝世遂丁艱哀毀過於常情喪葬畢卽躬秉家政公因謂弟鳳儀公曰我二人之不克卒成舉業者命也夫是時家故豐於貲服闋援例入國學遵母石太孺人命公昆仲遂析爨焉二公猶若不忍分析者其視古人中薛氏包田氏真之兄弟何多讓焉其後鳳儀公亦援例入成均兄先弟後名列辟廡於此見二公之志雖輟舉業而終不忍遽忘之故能佑啟後人奮志詩書激昂青雲仁山世讖與省山世臺連鑣競爽於鬢序間也予讀少尉上林奚公傳

以孝友著以仁厚稱二公祇遜若考無忝孝友令德克承仁
厚家風敦同氣厚戚屬仁宗族睦鄉黨二公身雖歿至今閭
里口碑猶稱道弗衰易曰子克家記曰敦善行而不怠二公
有焉嗟乎世道之降風漓俗薄雖至親骨肉視如陌路更何
論其他哉如二公者真足風矣至生卒葬娶子女幾人具詳
奚氏世表中不復贅云

世愚姪陶蘭蓀頓首拜撰

從兄步雲步蟾步青合傳

昔司馬太史云閭巷之人欲砥行立名者非附青雲之士烏能施於後世此有爲而言也世之立傳者泥於青雲之士一語必求名公鉅卿手筆以爲榮而傳始不實何則傳之實與不實判於作之者之知與不知不知雖名公鉅卿不足尙知之卽一門之內不爲私由是言之三兄之傳璜不能謝責矣步雲諱德奎步蟾諱德星步青諱德翼從伯建夫公子也建夫公上承伯祖晴湘公庭訓文才過人故平居課督子弟以舉業爲重步雲諸兄咸津津簡帖焉無如年過成童卽失怙

步蟾步青尤屬髫年而步雲躬肩家計終不廢學問文章壯歲遊庠克紹祖武步蟾步青亦克念乃祖乃父有守有爲相繼入太學不墜家聲噫如三兄者非第模楷後人亦可爲族中式法矣歲戊申續修宗譜璜預纂焉遂撮其要而爲傳

海門氏曰古者立德立功立言謂之三不朽功非在上不見德言卽在下未始不見人貴自立耳藉非三兄克自振拔有志竟成余卽欲私一語豈可得哉

愚弟德璜拜撰

孔昭公家傳

公諱德音字孔昭楚琳公子也少時讀書頗慧顧家綦貧田數畝不給糴倉屋兩楹僅蔽風雨遂稟父命業耕界涇顧君某有高識謂楚琳公曰此子而長貧也可抉吾眼以女妻之既得賢助愈勤藝事三時之暇兼以經商二十年間置良田三十餘畝蘆蕩五十餘畝家稱小康癸亥歲粵寇肆掠公挈家東避時無隔宿之糧作工受值以糊數口然食客猶時寄也既平言旋畧權子母有孫某素信公之爲人以重貲寄辭之不獲遂壹意經營瀦鄉多蕩田陶家之買薪者源源而來

又樂公爲主由是境日裕益其恆產擴其舊居計閭里富家於公首屈一指延師課子忠且敬益振家聲焉公素仁厚僱工張姓乘寇亂竊所藏朱提以逃平後尋得之衣藍縷如乞人復使傭作未嘗出一惡言以報從叔某歿貧無以斂公出錢終其事挈遺孤以歸成立而後復其所凡里中貧乏之家欲貸升斗之粟無弗應亦聽其自償平生不輕然諾一言相許如付左券人皆深信之遇鄉人紛爭事曲直是非了然於心立判於口居村之東有安慶橋道光二十三年楚琳公慮其將圯倡議夏麥冬米戶捐一升置田生息以儲修建之費

事成命公經營同治九年瓜代計田得七十餘畝於此可見
公之老成練達故能如端木氏先貧後富也卒於光緒十六
年庚寅十一月二十九日德配顧氏勤儉持家助夫創業子
一能卓業儒女一適石村石

論曰觀公容貌僅屬中人而平日之存心立論處事相交雖
士君子亦不能及固西圩之翹楚也昔余館安鎮時哲嗣能
卓負笈從遊公便道來館坐談每至丙夜今已邈若山河次
公事實感慨係之矣

姪黼恩拜撰

...

...

...

...

...

...

...

...

...

族叔南生公傳

光緒乙酉之冬公遇疾而歿里人以公力穡起家也至今稱之公諱德儀字南生世居泗河七保之西圩曾祖濟舟公祖固國公父蔭森公昆季三人公居其次幼能讀及長承先業爲神農之言嘗曰人之處世積學成儒尙矣其次莫如務農顧爲農則同得穀有異夫穀恃天時順而播之則易長尤恃人事勤以作之則有秋若失其天時惰其人事而欲冀穰穰之慶勢必不能故農有五等也公旣力田收穫之時比櫛崇墉勝於儕輩而又守朱柏廬先生之訓思一粥一飯之不易

凡盧陸品茶之所阮王飲酒之家未嘗過問由是處境漸裕
載新棟宇式置田園樂苟完焉嗚呼公第老於農耳心在耕
耨之事身安阡陌之間未嘗兼成一藝可致其能以生財也
又未嘗寄跡市廛學朱公之術居奇而計贏也假令不昏作
勞閑閑泄泄未有不似北門之詩嘆終窶且貧者而乃手胼
足胝有逾其侶卒之擴其素產燕翼詒謀小富在勤視公益
信迄於今公往矣而嗣世之人皆舉趾田間終歲勤動衣食
無不給之虞更服公之能以身教也生於道光十二年壬辰
十月三十日卒於光緒十一年乙酉十二月十二日配徐氏

繼配邱氏皆嫺婦道子四長能賡嗣德錦兼祧德鉦後次能
經三能纘四能綸女四俱適望族詳世表
論曰農爲衣食之本公不能卒讀以務農爲高非所謂知本
者歟而且霖雨乍零執一犁以耕野明星有爛先千耦而芸
田勤其力者裕其家故樂爲之立傳永勸鄉里之農人也

姪黼恩拜撰

釐鬯奚公暨德配王孺人合傳

歲癸巳余養疴在籍主講禮延書院越明年正月適有故人子慕韶衣冠執贄踵謁手乃二人行狀乞余爲傳余展閱之因念道光庚戌與釐鬯奚公同受知於青墨卿先生其時余年未及冠見奚公持重老成雖同學而以師事之遂覺依依如昨也公諱德瑾庠甫瓚字鍾良釐鬯其號耆碩悅明公子太學範三公之孫偉軀幹廣額豐頤美髯量宏於肉力大於身雄傑似公侯干城選及讀其少年郡邑試孔子曰求不讓於師至師冕見題冠軍作真乃觀書如鏡弄題如丸而胎息

逼肖金陳精楷法得真卿祕旨尤善駢儷吐屬名雋詢所傳授得力於中表名孝廉蕙庭黃公益心折其爲吾邑名宿焉然士工文藝往往標榜聲華公則立品端方尤敦倫紀色養父母奉旨甘問寒煖先意承志孺慕終身母常患腹疾每中夜竊發必衣服親手撫摩問平復乃已及大故也一值家道中落一遇歲荐饑公多方部署凡附身附棺一切悉能如禮里黨稱孝無間言居恆見有子弟不孝悌者理喻不從繼以朴撻必使涕泣首肯而後止一時雍睦成風皆公轉移之力也庚申粵匪下竄各鄉豎義旗團練公執牛耳晝則盤詰夜

則防禦本欲保衛地方孰知風會所趨人都嗜殺鄰境有不
識姓名來者卽以細作論不由分說捶楚斃命甚且及鋒一
試爲快公雖屢加禁約難保百無一疎謂父老曰邇來人心
不古天地爲羅烝戾釀成浩劫今猶慘毒如此何能挽回造
化乎不如撤局遣衆散庶免造孽多端遂杜門不出嗣後楚
氛益惡隨在數遭蹂躪瀕里三面距河獨否難民雲集其地
鴻雁哀鳴嗷嗷誰恤公目擊心傷復出爲理饑寒者衣食之
死亡者棺埋之席不暇煖未嘗言勞憫瘼切拯救殷也里東
有武聖東平二廟武廟正殿被寇拆毀禍延東平公竭力捐

泮溪先生年譜
卷二
賞納歛凡兩得保全他若修理橋梁開通道路與凡有裨風
化有益鄉閭者知無不爲爲無不濟而戊申續修宗譜尤獨
矢慎矢勤不支分毫薪水至今口碑藉藉焉所可慨者儒風
不古俗士稍有記問輒抗顏爲師問其課程則曰聊復爾爾
公則因材施教詳訓詁辨音義語上語下大鳴小鳴多方啟
迪故蒙其教澤最愚魯者亦通字義飛鳴庠序者指不勝屈
當時大家世族交相聘請縞紵悉知名之士記曰師嚴道尊
公其有之第跡公一生境遇終窶且貧而繞膝兒女十人悉
待硯田以哺儻余當之必束手無策公卒無內顧憂者得賢

內助而代厥勞薪任也公配王孺人系同邑名士問渠公季
女夙嫻姆訓幼習壺儀賦于歸井曰親操相夫勞勩事舅姑
孝待鄰里和不數年翁則遠涉西秦夫又負笈江右內外職
萃一身責毋旁貸且仰而事俯而育蒼頭無縛帚奴赤腳跣
行廚婢幾何不左支右絀耶卒能應之裕如非所謂持家健
婦歟迨夫誕育實繁婚嫁事集公舌耕所入不敷所給孺人
益刻苦非弄機卽針刺雖酷暑嚴寒篝燈徹夜以佐夫所不
逮擬諸陶潛婦之作苦有過無不及也惜乎夫倡婦隨備嘗
艱苦而生逢亂世先後半年凋謝竟不使獲一日之安天心

其可問乎及觀夫繼體象賢書香克紹不食報於其身食報於其子孫余又以下後人之寢熾寢昌矣用附數言以誌嚮往之忱

同學弟陳熙治頓首拜撰

封翁晉庭叔暨孀母畢太宜人合傳

甚矣栽培元氣爲涉世持躬第一事觀晉庭公夫倡婦隨並
登上壽更得喆嗣光大其門閭皆從此而來也公諱德監字
晉庭蘊和公三子緣堂叔景和公乏嗣承其後以幼子潤如
循例授司馬職封贈如其官遂爲奉政公公之高祖諱宗
寶者以培元命字顏其堂更以垂爲家訓世德相承公尤拳
拳弗失焉公同懷三長兄楚庭公攻舉制業次兄漢庭公遊
學公獨仔肩家政遂師計然居賈逐什一之利性慷爽孝友
天至養親日貳簋更得內助賢滌滌旨膏手調以進堂上顧

而色喜以是蘊和公優游蔗境獲享遐齡週甲古稀介壽者
再歿則治喪禮悉從豐費浩繁責不旁貸兩兄其篤於本原
有如此者同治癸亥歲吾里受寇難獨甚重遷者什不存二
三公徙常熟之梅里鎮比事平旋里全家無恙雖由公之見
幾明決實由元氣未漓祖宗默爲呵護以致之耳膝下育三
男次子翼如最强幹公以家店畀汝不意受室載離寒暑忽
抱西河之痛而長子任自然幼子甫成童積儲經亂已罄公
迺復作勞人進退維谷然宅心坦蕩絕不形內顧憂日啜一
茗與後進談論古昔事娓娓不倦成嘗親炙其光儀覺坐我

春風如裴叔則焉兵燹後老成漸次彫謝公齒爲優族中巨
細事悉資裁決公不欲才智先人惟以詢謀僉同爲當間有
非禮相加者公亦絕不與校待其自悔儼然有婁師德遺風
故一時雀鼠無爭悉由其默奪潛移之力如是數年幼子潤
如經商稔載古稀上壽堂開畫錦詞章金碧交輝以視六旬
初度門前冷落車馬稀不啻雲泥之隔然後嘆根之固者其
葉沃積之厚者其流光天之報施誠不爽也要非畢太宜人
之淑慎柔嘉不致此宜人爲梁溪望族夙嫺姆訓歸公則相
敬如賓事舅姑孝處妯娌和操井臼而不需臧獲分勞習容

工而儼具孟桓遺範就深就淺黽勉以求嫁女婚男相夫勞
勩客至朋來酒餽叱嗟立辦猶爲餘事所謂女宗者非耶晚
年家由子裕親族稱貸煩瑣公不免厭心生宜人潛調劑遣
去所以頌宜人之德較甚於公所可異者富厚福澤皆可力
求惟修短不齊之數往往不能與造物爭權而乃鴻案相莊
克臻偕老仙逝之日先後不一旬誠爲當世所希時人擬諸
蕭史登仙云茲當族譜告成謹誌數言以垂不朽

族姪九成頓首拜撰

奚公盈泉暨配潘孺人合傳

盈泉奚公名德源系出宋進士世炎公明處士諱鑲之十五世孫也家溥瀦里世業農大父暢然公裕有家貲郭田盈頃以素封稱丈夫子二長爲景章公龔成業嗜酒豪縱於家人生產作業不甚諳家垂落幸孺人氏薛左右措拄得勿替盈泉其令子也幼秉母教蚤歷艱辛性醇朴業農之暇以漁樵爲生涯仰事俯育胥在是景章公稔其能振業也易簣時握其手諭之曰吾性揮霍汝性儉勤吾不汝疵也然世態炎涼人情狙詐吾饒足日凡面來稱貸者頗夥並不書券後吾且

老且貧且病逋債人曾無一絲半粟相餉遺吾亦不之責汝
與人往還慎之慎之公泣誌不敢忘每思重振家聲上酬父
志而楚氛東指蘇澄相繼陷所過焚殺剽掠百里無人煙當
是時謀奔命之不暇奚遑生產爲寇退歸里家人雖幸瓦全
先人之敝廬半付楚人之一炬其未被燬者亦蕭條四壁戶
牖洞然風雨漂搖臥見星斗於是修我牆屋易其田疇粟陸
於酷暑嚴寒終不敢稍自暇逸如是者有年已而食指漸多
盡終歲勤動之餘不足供半載饔飧之計於是習計然術懋
遷有無逐什一之利凡足以稍裨日用者罔勿爲之內助潘

孺人節儉有德御麤糲無怨辭公則服賈服田昕夕旁午無少憩孺人以紡績佐之軋軋之聲往往達旦生平不喜邊幅椎髻竹釵終其身未曾變易鄰里咸稱孺人之儉之克繼其姑且豔公之得賢助而無內顧憂也如是者又有年業日隆隆起舊疇盡復又葺新畚屋舍亦俱完固罔或闕如而公已垂垂老矣謂二子漢賢霽如曰吾經亂離後恆惴惴焉唯恐負餓死貽先人羞賴汝母賢相吾成業今而後其遂可免也夫第毛血日衰亟欲稍寬負擔其各田爾田宅爾宅好自爲之毋煩吾慮公平居儀容整肅對子弟無戲言嘗謂爲人之

道惟勤儉二字爲一生喫著不盡晚歲資望頗重鄉里有遲
疑事或關係公益尙未發表而衆議紛紛者公一言立剖堂
弟笙泉少孤公撫之成人授室人尤稱道勿衰年五十有一
以無疾終孺人亦旋歿今漢賢霽如亦善繼善述有老成人
風孫曾且林而立也詩云君子有穀貽孫子有以夫其後人
之食報詎有量哉余生長涇皋不逮見公茲得其次公霽如
口述畧誌梗概附諸乘末爲公之子姓者勸焉

涇皋包廷揚謹撰

奚公秉忠傳

公姓奚氏諱德勝表字秉忠宅瀦溪之西圩里業農性篤天
倫而時遭顛沛父安國公生公兄弟四人公家督也仲不祿
叔曰紀南季者曰企文生彌月而失恃當咸豐末公年甫勝
冠上有老父而鰥下有兩弟而幼家事農事惟公肩之紅羊
之劫赭寇竄下游瀦當水陸衝擄殺殊甚安國公以罵賊被
戕公悲憤交集哀毀逾恆時紀南甫十齡企文僅六齡耳公
進退維谷儻竟忍痛偷生也父死之謂何儻竟復讐致死也
奈兩弱弟何念惘惘無適從勸之者曰一死易撫弟難與其

就易或傷厥考心孰若爲其難者遂拭涕挈弟從間道出越
竟乃免難平偕弟歸抵家廬舍燼如公則克勤克儉重整新
猷焉先是公諸父行曰定國會撫紀南爲嗣亂甫定夫婦相
繼殂以是藐諸孤頻遭大故將胡以家公毅然就同居爲之
屏當門戶長教兼施迄成人旣授室計其克自樹立矣迺移
居己宅復爲季籌冠婚禮方安國公之存也嘗爲季納聘於
朱至是伸前約親迎有日矣而朱忽萌悔意索重幣以難之
公故與族彥賓安先德善往就商先德素豪俠名籍甚允其
請躬詣朱朱懼婚遂成於是宣言於家曰吾經亂離後恆恐

負兩弟并負先人茲幸弛於負擔矣遂析箸各田田宅宅悉
平不頗兄若弟怡怡如也繼以季夫婦年垂不惑未有子嗣
遣幼子祥賡往侍之季婦卒復力勸季膠續多方爲之謀未
果而公歿方疾革時詔其子寶泉等曰吾季鰥居可憫當聽
其續也儻一索而得男祥賡仍吾子也其勿忘諸季後娶於
孫果生男寶泉循父命歸其弟季不忍曰兄厚我我可薄其
子乎禮而歸之嗟夫季之不忘公也如此則公之待季也可
知矣尤難能者業操農而性重儒女夫薛士人子也遭亂家
貧將不卒讀資之從名師遊數年游泮宮公喜而不居培植

名人以此益敬愛公而公自若想其稟賦殆得天獨厚者與至其生卒娶氏子姓名字有譜牒在茲不書

論曰公農人子耳周旋阡陌之中濡染桑麻之事非有父書可讀與外傳之陶也而天資孝友不假強爲君陳之篇曰惟孝友於兄弟克施有政公之謂矣且能推其愛情遺及館甥尤熙熙攘攘者之所難也世至晚近倫理之學寂無聞矣彼侈然以學問誇士夫命者往往操戈同室骨肉成仇聞公之風亦可以少媿已

涇臯包廷揚謹撰

族叔祖建寅公傳

公諱德標字斗祺號建寅業黃公墟起家納粟爲太學生僦
居余家者三十餘載時余雖幼耳熟公生平獨詳公會祖誠
若公生子二長熙和生有恆是爲公之父次熙甯生富恆公
之叔也家故貧艱於衣食富恆公嘗指公謂有恆公曰此子
外視木訥然器量恢宏忍耐勞苦他日張大我門閭必此子
也卽我身後之綿延香火亦此子焉是賴弟其識之公當阮
信畫幅之年卽失恃父子食貧相依公於讀書之暇四出採
樵以佐舉火且代作瓜田守視者得薄值暫以餬口有恆公

以貧故躬親紡織以謀升斗日入繼之以燈火如豆公就燈
下讀輒星移斗轉書聲猶琅琅也弱冠粗知文義有族兄行
者設染肆於西偏以公勤慎引爲助理出作入息深得主者
歡未逾年俾公經理店務當會計清帳日信任益堅有恆公
卽世公哭之哀殯喪盡禮人以是益重之居無何紅羊劫至
公遇賊被擄卒乘間逸時德配徐已來歸夫婦相偕奔避至
錫邑之東亭得米升許和野菜煮食抵十日糧不繼則採瓜
覓蓼以裹腹險阻艱難備嘗之矣輾轉達常熟之梅里寄居
人廡下然而囊無銖兩計乏謀生不得已爲人縫鞋度日亂

平歸里家徒壁立拾罐爲盂折蘆爲箸苦不勝言有異鄉友者感公舊義給以米數斗銀幣數枚於是煮粥釀酒以鬻于市經營數年稍有蓄積於是次第置備生財器具延釀工開設湧源酒坊而縱飲之劉伶醉鄉之王勣澆壘魄之嗣宗皆趨之若鶩非公坊間酒不飲一時有青州從事之稱於是資本旣充家道漸裕間以贏餘置田產先後得沃土數十畝並於祖遺老基構廳屋三楹內屋暨廂房五楹遂出余家而喬就新居焉顧公忠厚性成緣締宅故頗受人干涉公忍勿與較寧稍稍給貲以息其爭其厚待鄰里也如此兵燹時死人

如麻鄉人之無墳墓暨無力營葬者亂厝叢薄間風侵雨蝕
日久棺敗公不忍其暴骨也爲之分別拾骨而埋於西黃泥
蕩內加土封焉其澤及枯骨也又如此迹公生平精神材力
耗於貧累者半耗於禦侮者半故於晚年邁罹心疾時作時
止疾止時往往自慨身世茹素持齋余童年猶及見之居然
一黃老之徒云壽至五十有九而卒配徐氏馬鎮利元公次
女相夫子克勤克儉同患難不怨不艾卒賴其內助之力以
起其家子五以三子能斐繼富恆公後爲孫從叔命也餘詳
世表

再姪忠源拜識

奚公龍生暨配呂孺人合傳

公諱德理號鴻遠龍生其表字系出宋進士世炎公世居潞溪之西圩里紅羊劫後家赤貧以捕魚爲業扁舟一葉日往來於烟波蘆葦間風雨弗輟晨則攜鮮向街易錢買米有贏餘則小阜子母媪呂氏雖農家女而錡釜蘋蘩篝燈紡績相夫子以賢稱由是家漸裕業隆隆起以舊廬之湫隘也拓地半畝構屋六楹八口之家審容膝之易安矣以食指之寢多也則置膏腴築場圃新穀旣升乃亦有秋矣至年逾知命家已小康殘月曉風始不作羨魚之想秀毓其長君也時已弱

冠亦復耐勞公顧而樂之曰吾每見人家辛苦立門戶適爲不肖子作淫蕩貲余茲且無是慮穉子毓根生而羸不令學操作俾就讀且詣塾師曰是兒弱卑之毋甚高論也其愛憐之意溢於言表嘗以新宅不足二子居謀增建不果尋病終長子毓秀體父意擴宅右田建宅與舊居等而宏敞過之以授弟曰此阿翁之志也公性仁慈見弟姪行或有失所者輒撫卹之無德色生平儉朴無他嗜好晚歲倦勤茶社中始稍稍有足迹族彥若賓安若紹勳若舒英公與之交最善非三君子者在座則默然啜茗而已其識見自有過人者公歿於

光緒癸巳壽五十有六孺人呂後公十六年而歿附身附槨不亞素封家殯之日里人同聲嘆曰生於憂患死於安樂公其有焉然則公之艱苦起家固賴有內助之賢而所欲傳諸不朽者則甚賴有後起之能繼述也不者吾焉得知之而又焉得傳之

涇臯包廷揚謹撰

淮源等上卷
卷三
[The main body of the page contains several vertical columns of text, which are extremely faint and illegible due to the quality of the scan. The text appears to be organized into columns, typical of a traditional Chinese manuscript.]

奚公雲程傳

雲程奚公者邑南瀦溪人也明處士諱鑲之後少孤年甫成
童遭紅巾亂瑣尾流離母張氏又歿於旅次當是時熒熒子
立孤掌難鳴幸其堂兄龍生同在難所挈與俱旅櫬得安然
歸葬既歸仍依龍生以居隨同操作頗耐勞有室後始還家
謀自立計其爲人也性情厚重言語紆遲悅悅若懦夫遇不
平事則豪雄之槩頓露眉宇間厲聲色而誰何矣其生平之
所最勞勩而有功家族者莫佐建支祠若初鑲公之有支祠
也肇造於清乾隆壬子逮光緒丙申始營路寢以妥神棲於

時公與監督任刻期卜築歲星週而工竣規模於焉大備卜日選牲聚族人釋奠於列祖鏘鏘濟濟盛典也亦祖宗之胙饗實式馮之者也是役也所費不貲董其成者爲族尊某某而凡材木釘頭磚石之需梓人巧者傭工之衆惟公是糾亦惟公命是從是故夙夜匪解雖勞頓至極弗之顧其毅力爲何如者近聞其支人從堪輿家言將移舊寢作面東向棟宇基礎之位槩事變遷九京有知當亦忻本支之蒸蒸日上也公諱德鳳字羽儀雲程其號也歿於光緒戊戌年五十有一配邱孺人先公卒子二長不祿次字錦章孫錫洪曾受業余

門錦章出

論曰余初至瀕聞其鄉人道公軼事蓋古之剛直人也惟剛志斯堅惟直職斯稱公其幾庶歟

涇臯包廷揚撰

泮溪亭上文集卷五
四
泮溪亭上文集卷五
四

鼎昌公暨配李孺人合傳

人生之禍福無定也天道之乘除不爽也吾人生丁亂世遭百折歷奇險卒能迂回逡巡以得生不至與草木同腐者其後事業必隆子姓必昌諺曰吉人天相此之謂歟吾族祖行鼎昌公其一人也公諱德峻號克明鼎昌其字也祖奉璋公生四子長次俱無後惟季多男公父科元序居三僅生公公年十二母李太孺人卽世弱齡失恃哀毀若成人猶幸依父以居不虞失所乃甫二載父又作古夫以一藐諸孤驟遭大故煢煢子立喪葬無資惟有仰屋而泣耳然公秉質素優年

雖弱小非漫無適從者不得已商諸戚族集一會以營殯葬
盡禮盡哀當是時也業不足供讀書力不足任負擔姑依叔
以居隨諸從兄後習勞作苦未嘗有怨言歲癸亥粵匪下竄
潰大營陷郡邑江南寸土沸騰而吾鄉尤當衝要公之叔急
於避難挈一門數口艤舟東行舟出璜塘河口呼公起而詔
之曰今倉皇播遷吉凶難卜而復盡室偕行口眾乏糧家無
居守甚可慮也汝其止毋同行公遂涕泣登岸惘惘而歸此
時亂事方殷賊蹤屢至隣里之稍存喘息者不北徙則東奔
矣公計無復之權從伍員作蘆中人邨南有蕩田百餘頃隔

河彌望皆蘆葦叢公與族弟名紀德者互相伴侶日夕坐臥其中覬賊遠去汨水回覓得倉隅脫粟甕底麥粉和野菜煮而食之不足則或採野瓜以充饑賊來仍過河避匿習以爲常如是者二年忍飢耐凍百苦備嘗時公年未弱冠也迄於今公雖物故而令子琴如述公生平知其事者猶爲之歔歔不置亂平後邨人漸次旋里公念兵凶相繼衣食艱難不欲以一己口腹累叔父也暫傭於人爲餬口計披星戴月不憚煩勞一日者公有事往外家歸時荷制錢三千路出膠山下方日暮突有匪徒數人舉刃砍公項公踣地暈血流衣領匪

以公爲死矣攜其錢呼嘯而去移時公醒脫外衣裹創而回
靜養十餘日創乃愈是非所謂大難不死者耶年二十六娶
李孺人李氏錫鄉望族也家故豐孺人夙嫻姆教居家理內
政戚黨以勤能稱之來歸時奩資頗厚而性喜節儉善治生
計旋出其資以權子母置田蕩俾公得致力於耕樵己更操
勞以佐之公倚之如右手於時夫力諸原婦織於室積累
數年家業稍稍創矣由是連舉丈夫子盡力栽培公則益自
刻勵帶月荷鋤肅霜築圃胼胝之勞逾於儕輩倉箱之慶亦
甲里閭更閱數年產益增而家益裕然公之所以致此李孺

人內助之力爲多也迨晚歲長子琴如次子根森先後成立次第爲之授室公乃督率之各事其事各業其業無曠日者咸稱爲克家子焉琴如名能煥業商根森名能祉先公一載卒孫二人長光應殤長子出次光校次子出公享壽六十有五孺人壽六十其生卒葬地俱詳世表茲不贅

再姪忠源謹撰

再致忠感節

其節人皆六上其坐率義此賜指世奏放不贊
其節二人引汝以爲幾于出太光林爲于出公率
其節六上其坐率義此賜指世奏放不贊
其節二人引汝以爲幾于出太光林爲于出公率
其節六上其坐率義此賜指世奏放不贊
其節二人引汝以爲幾于出太光林爲于出公率

九臯奚公傳

丈夫以昂藏七尺軀寄生天地間不能以文章經術名謀儒
林要當挽強弓懸利劍馳聲於武事之科得志則上爲國家
靖邊陲下爲蒼生作霖雨不得志則審時度勢視吾力所至
內肅家庭外禦其侮俟有傳人不祕所學其生也爭重之其
歿也爭惜之如吾邑南瀦溪之奚公九臯者良足多也公姓
奚氏諱德欽字鶴鳴九臯其庠名也性果敢孔武有力好技
擊善騎射軀幹猶中人而英銳精悍特出倫表光緒初學使
者林案臨江邑補武弟子員方公之少也乃翁樹芬性方嚴

自恥不文督令讀抑知公固赴赴資馳馬試劍是所長執卷
伊吾是所短一日聞鄉先生談風雪英雄故事崛然興曰大
丈夫當如是也王侯將帥甯有種乎彼六奇者竄人子耳當
其建大纛揮長鞭左右顧盼辟易千人誠一世之雄也誰復
識猶是孑孑風雪中之餓夫也哉有志者事竟成泗亭之絳
灌凌煙之褒鄂曾識一丁字耶去從武技師遊學成遊庠後
益致力於武備操必售技赴金陵大較區區一第囊中物耳
奈堂上盲試官悉以關節榜甲乙公恃藝精乏海物奉竟鍛
羽迄今述其事者猶爲之歎惋不已於是絕意進取選子弟

之壯者盡以所學傳之其執贄門牆得公傳而獲雋者如同里之曾錫忠馬鎮之任步初陳國治亦俱有名於時嘗謂其徒富貴如浮雲耳况今貨賂公行亂將作矣汝曹俱少年苟精吾傳或可爲鄉里捍禦不虞勿徒自矜其能以買禍也時皆以爲至言然劉蕡下第千古同悲雖桃李盈庭胸膈間物終難掬以示人耳洎烈士暮年雄心猶在值酒後耳熱輒歌王郎拔劍斫地句而普天銅臭彈鋏無門年至五十有三卒以武諸生終於家傷已有丈夫子三皆農隱中子傳生繼公母弟德涵後卽丐余傳公者

蓄亭奚君傳

傳者何傳傳人也傳人奈何昔之偉人也何言之其作事不
猶夫人也傳之奈何標異也有例乎曰有孰創之龍門司馬
遷也例從嚴乎曰然非道然拔俗與有迥不猶人事者不傳
然則其傳貨殖也例何居曰此史遷自亂其例也既亂矣則
傳梓人傳圻者微而至於灌園之秋先種樹之郭橐駝無惑
乎蠶而效之者之眾也而五穀所從出百工待以興之農父
獨無傳傳何也豈前人之遺與抑芸芸之衆匪有畸行可紀
固不足傳耶顧吾讀樊遲請學家章聖如孔子且云吾不如

老農可見農非諸雜藝比惡在其不足傳也茲得一人焉曰
蓄亭農家者流也而有隱君子風奚其姓瀦其里蘆港在其
南橫亘數十頃一碧無涖舍之北原田每每一邨百十家生
活之需胥於焉是賴但地處低窪春雨秋霖被虐於波臣者
蓋數數見君爲商諸里老高其隄闢其隘水患少息又歷聞
農諺有卜歲之說於是詳參乎日暈月暈占候夫風北風南
一一與農諺相印證每有會意則當年之樹藝率視宿歲之
攸占輒奇中由是課雨問晴肅霜築圃旣刈旣穫迺積迺倉
乏補剝剝肉之虞獲耕九餘三之利旣權子母旣益膏腴歲

云莫矣曰殺羔羊爲此春酒酌彼盈巵信可樂也雖然猶夫農人也而或耘或耔有伊尹耕莘冀妻饁畝怡然自得之致殆卽所謂老農者歟君諱德涵字湧源蓄亭其號也樹芬次子爲右庠生九臯同母弟德配胡孺人出自右族識大體相夫子以賢稱苦不育撫伯氏中子能佶爲嗣能佶字傳生余舊居停也日者述君往蹟句傳於余余曰有是哉是上農也爰以得諸傳生者屬草藁未定客自外來見之曰農可傳乎余曰古有田畯農師也夫夫也似之則列於傳也誰曰不宜客笑余亦笑遂付諸剞劂焉

涇臯包廷揚撰

昔年曾與公同游...
 五言古詩...
 六言古詩...
 七言古詩...
 八言古詩...
 九言古詩...
 十言古詩...
 十一言古詩...
 十二言古詩...
 十三言古詩...
 十四言古詩...
 十五言古詩...
 十六言古詩...
 十七言古詩...
 十八言古詩...
 十九言古詩...
 二十言古詩...

瑋堂伯獻廷叔合傳

伯諱德瑋字玉章號瑋堂叔諱德琛字海珊號獻廷大父敏齋公子也瑋堂公年長吾父十有二齡大母譚厭世時吾父僅四齡耳出入顧復稍長飲食教誨伯父之力爲多伯父性剛直持心正大立品端方生平篤於學善書食餼後因舉業未就開館授徒成就者多知名之士著有典學滙海一書迄今遺墨尙存惜未梓行洵奚氏之文人也咸豐間苗教兩匪倡亂與吾父練團保衛桑梓籌糧乞援歷五六年以功保六品銜訓導庚申城陷旅寓獨山州髮匪猝至攻陷州城舉室

殉節殊可慘也事載平越州誌楷夙承父命以三弟能模之子光璧承繼爲孫叔父獻廷公又少吾父十有八齡道光乙巳大父赴江修譜時大母謝已謝世飲食教誨又係伯父與吾父照料至庚戌大父回黔始攜入省肄業性穎異亦善書同治丁卯膺鄉薦戊辰會試報罷己巳卒於粵西子能壽早殤民國八年始得舉旅櫬還鄉現以五弟能榘承嗣迴思吾伯吾叔與吾父孝友一堂卒遭坎坷何不幸亦至於此茲因譜牒告成畧述數語附諸帙末俾吾伯吾叔不致湮沒不彰斯則能楷之幸事也

姪能楷謹撰

雋卿先生小傳

昔顏子淵好學幾於聖人三十二而卒鄧伯道爲晉之賢者存姪棄子事可格天而後終無嗣又何疑於先生也先生諱能達字始泉雋卿其號曾祖正行公祖潤章公考耀峯公昆弟四人先生爲仲氏幼自好甫就師已知勤讀家無恆產年十六卽訓蒙於尙賢塘益自刻勵漸工帖括應童子試得志於有司咸豐中髮逆據金陵借試淞闈先生膺鸚薦以額滿見遺同人皆爲之惋惜平生好古文課徒之暇手執一編誦聲琅琅恩受業時常見之性孝友所得館金不少自私悉歸

於父有所用則向索之如孺子狀有老萊子遺風耀峯公嘗
起析家之議兄弟皆願與先生合以是不果立品端方父老
遇之亦肅然起敬不與世務專心教讀以終其身生卒娶氏
及姪祧女適俱詳世表

受業弟黼恩拜撰

族兄賓安公傳

士君子生當亂世家食貧非有守有爲善全難其策因思賓
安兄之處境心爲之折焉兄諱希呂字賓安邑庠生昆啟公
次子世儒業幼稟庭訓及舞勺遊府君釐鬯公門過目成誦
作文天機活潑不喜雕琢早決利器試輒見賞於宗工奎冠
一軍銳志進取因寇亂中沮旋夢炊日恨終天特本早失也
家故寒連遭顛沛拮据卒瘞勉成喪葬禮雖有伯氏而家秉
獨肩殷出楚江幼穉續絃張撫育之癸亥歲寇氛孔亟偕妻
兒兄嫂遠避僦居常熟梅里襄賑務鄉人藉活甚眾事平歸

里設局辦善後邑侯諭董其事時軍民溷處豪猾逞奸與錫局董周有隙攫无妄讞諸錫庭受抑累月始雪歸仍治硯田糊口下帷益奮試優等食餼光緒己卯膺歲薦恭遇覃恩加二級異數也兄在儒林爲前輩幹公尤老練鄉里事悉就正曾不矜才使氣有似味道摸稜實臧否在心盤錯無不立解且能使虞芮均適故人皆樂挹其和光頌聲籍甚一方砥柱誠不誣也長嗣穎敏過人爲跨竈器初試卽列前茅采芹決如拾芥乃受室甫生孫忽抱西河之痛兄氣爲之大沮更憐張出仲子尙幼穉孫艱於乳出倩哺育顧影迫桑榆畫

裕後策習岐黃術家無僕婢外內瑣屑躬親心力交瘁甫周
甲而竟歸道山人共哀之咸嘖嘖謂壞我萬里長城矣成嘗
間蒙樂育敢令兄一生嘉懿湮沒而不傳乎爰誌大畧以示
後學觀感云

弟九成頓首拜撰

同家聖旨頒令只一不有禮節是禮儀前子後編大器以示
 中而為徽節山人共哀之正節賢贈與亦備用氣氣與配嘗
 歸則水德如黃蕭宗無於對後氏德無德以也交於海風

節嫂石孺人傳

光緒十有九年夏余與從姪光普敘書孺人守節之畧稟於督學部院溥公蒙題荼苦松貞匾額是歲續修宗譜光普任校讎之事造余塾而言曰孺人之苦節匾額所能揚也而非匾額所能詳也叔氏宜有言以垂後世余韙之乃次其傳孺人姓石氏覲泉公之女從兄揚先之配也幼嫻姆訓年十七于歸翁姑已歿惟太翁尙存三日入廚羹湯虔奉厥後生子女各一人夫授徒婦織紵晏如也咸豐十年粵寇自金陵下竄據我常州陷我江陰鄉人擾擾揚先受驚而卒孺人年纔

二十有四耳哭泣哀思欲相從於地下既而歎曰偕死不如事生也殉夫不如撫孤也遂強作未亡人而家無恆產惟藉紡織以餬數口太翁年踰八十舉動需人孺夫事之雅能承志太翁稱其孝同治二年賊蹤四至太翁臥牀不能起孺人晝匿夜歸以爲常時鹵掠之餘人鮮粒食偶得飯一盂進於太翁太翁固讓既乃與孫分食之孺人忍飢侍側觀此則平日之孝可知矣踰時太翁卒賊之往來者日益衆孺人挈子女遠避展轉遷徙女殤於路凡兩閱月仍返故鄉當此時也道殣相望比戶無烟孺人與子以野瓜野蒜充腸已八十日

兩人相對待斃里中婦有諷其易靡他之志者孺人慨然曰
離此非我死所也幸親串稍稍賙恤之得無恙嗚呼人窮則
節見世有服官受祿膺土地人民之寄其平生非不以忠盡
期及大變當前乃隱姓匿名杳不知所之或不能免身被誅
戮若而人者豈可與孺人同日語哉迨乎凶氛悉掃重覩昇
平子漸成立爲之授室乃彼蒼不弔光緒十五年子婦皆亡
復藉十指以育童孫可哀也已然而三孫鼎立克嶷克岐天
之所以報孺人者將於此乎在他日采風之使以其守節事
達於天子奉命建坊有光閭里徒懸匾額乎哉

叔黼恩謹撰

案此傳作於光緒甲午時孺人年五十有八先嚴以孺人節孝可嘉仿古人生傳之例爲立此傳以昭來許彼時尙未請旌也後先嚴錄其事蹟達於蘇垣採訪局由局轉詳督撫學三院蒙三院題奏旌表奉旨准予建坊是孺人之節孝不特增光閭里并足以獎勵後人焉孺人卒於民國元年壬子十月二十九日壽七十有六今距孺人之卒又數年矣適當續修家乘附書數語以補未備

姪忠源謹識

族兄盈川公暨配胡孺人合傳

公農夫也配紅女也夫耕婦織克儉克勤俾老幼免饑寒家
室毋匱乏能事畢至氣節行誼往往闕而勿講公獨不然余
嘗蒙公不棄知公最悉卽承先啟後兩大端固有卓卓可傳
者公諱能宗字通海盈川其號德元公之次子族伯德崑擇
爲嗣焉世居瀦里西里許曰西圩炊烟稠密人皆惟土物愛
習橫耒兼習橫經以是公資幼甚敏識數行而就農樹藝有
方耕輒歲遇事必爭勝惟恐稍居人後終歲勤劬嘗中夜起
舞故家本中落公持家數年業隆隆起其事嗣公也愛敬逾

所生中饋雖主自內助而洗腆必躬親得堂上歡而始慰故
嗣公亦視如己出同治癸亥歲粵匪劫掠無虛日嗣公度家
難保聚謂公曰汝攜妻兒他避我食毛踐土七十載殉國難
雖死猶生毋戀爲公不忍遽去敦促之乃行抵暮乘間歸省
果爲賊所殺面如生公見幾慟絕覓棺潛瘞甫畢隱隱聞賊
呼譟聲遂遵治命遠避得保全事平聞邑乘續修持嗣公狀
乞當事上聞蒙恩優卹食千秋俎豆之報而姓氏流芳此則
公之善承先也階下秀三芝佩英居首爲白眉延名師課讀
修脯從豐及舞勺果頭角崢嶸今雖數奇不偶而已蜚聲藝

苑諒不終爲池中物耳次三兩嗣服田力穡不荒本圖紹箕
裘而墮篋協奏一門之內耕讀相兼此則公之善啟後也公
志甚高尚喜與有道交談及習俗澆漓每忿形於色常懷擇
里居仁意力不果賈志以終易簣時以宗譜未修喚佩英至
寢前諄諄致誠故佩英竭力圖成而纂輯相助爲理焉公配
胡孺人啟元公女嫺女紅無嬌態歸公後井日親操事舅姑
惟謹相夫子以勤後公十年而卒操守家政未婚者婚未嫁
者嫁外內職萃一身凡事卒井井有條則孺人之賢追踪序
母而公存日刑于之化可想見矣今譜事將載佩英屬傳於

廷楨奚公暨配徐孺人傳

德行本也才藝末也二者相濟而成也乃自朝廷有掄才之典里黨無尙德之風士夫每憑一藝一才以博取人間富若貴而生平品概無傳經濟無傳卽驗其嘉惠親朋任卹里黨者亦均無足傳若夫成德之士有用之才雖不以一藝一才自顯而生平建樹無不以才濟其德者吾於廷楨奚公彷彿遇之公諱能攀字宮桂廷楨其號者碩友賢公冢子題敘授都督同知文越公六世孫也性剛正資穎敏髫齡就學讀書過日不忘試習舉業語輒驚人鄉先達咸器之而友賢公以

力田起家恐後人染俗士浮華易先疇勤儉也俾弱冠援例
入成均旋以菑畚授之且以家政任之故公不得已於耕耘
操作之暇閒覽經史子集以敦夙好焉然每有會意便欣然
與文學諸昆季論說古今成敗得失仰視天而俯畫地莫不
壯其論而高其識者是以襟懷超邁見義敢爲嘗經營祠帳
則嚴出入以秉公心續修譜帙則罄貲財以襄善舉遇鄰里
釁隙則出正論以息訟端逢水旱凶災則籌蠲輸以爲施濟
不以費鉅而中止不以惠小而爲此向平之才堪濟德者
也咸豐癸丑粵匪之變金陵瓦解人心搖惑里眾有恃蠻抗

租者公以利害勸懲之羣相坦釋庚申張軍門大營潰散滿
目紅羊各處設防公亦董辦本鄉團練事鄰境騷擾瀕里幸
得安全迄同治壬戌春賊始犯瀕里公不畏避被擄恃性幾
瀕於危然自知殉死無益陰餽賊利得自贖歸里其智馭全
身有如是者已賊氛掃淨閭里困窮邑侯諭公董辦善後事
詣郡領農器耕牛穀種散給之兼輸粥以食飢民築塚以埋
枯骨儲社穀以預備歉歲立義塾以培育人材舉悉心殫力
與各鄉董等妥議而贊成之而煩重艱鉅不計焉綜計公於
公事私事凡可以利人利物者知無不爲爲無不成惟暮年

志欲重修家乘不果猶引爲餘憾云公卒於同治十一年壬申六月十八日距嘉慶二十二年丁丑八月初三日生享年五十有六生子一光普字旭初郡廩生克承公志與重修譜事手其先公行狀復及公配徐母節畧問傳於余公爲余季叔婦父又爲余從姪女大伯祖旭初嘗從余遊誼關戚世熟悉公之巔末爰質直書之以見公生平事業彰彰若是者由公之才亦由公之德也 公配徐孺人同里文學紹璜公次女幼嫻姆教稟性溫和順厥親愛厥弟歸公克循婦道事舅姑能先意承志協乎內則訓辭與妯娌相處待幼叔小姑亦

能曲體二人心接以謙和愛敬有公從姑已字守貞在家者服事彌虔際其垂暮病危躬侍湯藥不以爲勞手滌糞溺不以爲穢至盡其天年而後已此其孝敬性成於舅姑不言可知矣至助公經紀家政主持中饋率紡績理農工嚴御而慈蓄俾內外必整必飭克儉克勤自是闢田園增堂構業日隆起孺人力居多也家道旣裕不驕不吝遇窮乏親鄰輒出貲陰周其急無德色無悔心賢名稱族黨閭里間壬戌夏髮逆據常熟者投誠常郡諸逆道瀕而攻熟掠無間時人無甯宇公弟與姪被擄公與子旭初擬挈家避之奈有老母年近古

稀不能行走而舉動需人時公躊躇莫措孺人遂與公訣曰
勢急矣可奈何爾姑攜子得全足延先人一脈余侍姑死生
以之毋戀爲公與子灑泣別孺人奉姑東竄西匿飲泣吞聲
苦姑不任飢藏升米於灰中備食而自食野瓜以生一日伺
賊之閒煮粥食姑忽賊至見粥索米不應痛拷之仍不應賊
忿甚加項數刃去孺人悶絕頃復蘇匍匐至家三日卒時幼
女隨侍倉皇失據幸賴里族姨表戚力以扉載尸捆束之置
宅後古柏樹下未及土掩閱兩月賊平公父子歸家始得易
扉禮葬之乃貞骸猶未動也噫此非孝敬之一誠所感而神

靈呵護之者乎夫以孺人之爲孺人而及身反遭慘禍疑報
施善人之理難知而豈知天以慈孝顯孺人者更將以貞烈
付孺人也孺人殉節採入邑志蒙

恩旌表享祀千秋夫何間然孺人之卒先廷楨公十年

賜進士出身翰林院編修 欽命壬辰順天會試同考官癸

巳恩科湖北正主考媼愚姪吳鴻甲頓首拜撰

子鐘奚公暨薛宜人傳

公姓奚氏諱能銑字呂音號子鐘璞齋公第三子也幼孝敬得父母歡資稟穎慧習舉子業甫弱冠有能文名兼精詩律工楷法適胞兄晝堂公遊庠公迫欲成名隨援例入成均擬偕兄應省試因年饑用不足不果行嗣奉璞齋公命與伯仲析居所受田產歲入不供所出讀貨殖傳慨然有感曰名之不成命也亦境也貴難強得富或可求遂棄儒而習賈權子母逐什一積銖累寸殫精力者二十餘年增置良田若干畝家計稱小康焉公自奉甚約守己甚嚴而待人則寬且和道

光咸豐間歲屢不登每輸粟捐貲恤鰥寡給困乏爲一方倡
餘如修橋梁葺廟宇凡有益於里黨者咸慷慨解囊不少吝
歲庚申避粵逆亂倉皇北走家貲蕩滌所存者一門七口寄
居靖邑城東典質度日公抑鬱成疾然於同里之貧不能自
存者猶時時分潤之甲子春旋南又爲賊半途衝散越錫界
入蘇境僑居於太平橋其時囊空如洗饗飧莫給性本狷介
不苟借貸四月中回里日夜焦勞病愈篤踰月而卒臨歿時
屬其子光斗曰吾迫於境半途改業終身憾焉汝讀書荒於
兵燹者數載今湘鄉曾公合肥李公次第盪掃天下將太平

矣汝出應試勉成吾志可爾公原配張宜人女生女一繼配薛
宜人名門淑媛姆教夙嫻于歸後敬舅姑和妯娌恪循婦道
時張所出女僅二齡撫如己出公經營於外宜人經理於內
夙興夜寐井日親操數十年中公得無內顧憂者宜人力也
後公十五年卒子一光斗邑庠生薛宜人出孫三長遠謨國
子生嗣伯祖能鈞後次仲賢邑庠生三遠基國子生
論曰公往矣不及接公之馨欬然公之子與純交公之孫從
純遊皆恂恂儒者可以想見公之爲人矣古人云有志者事
竟成公志在求富而利以義取家亦隨裕公志在讀書不成

於其身而成於子孫良由樂善好施更得賢內助有以培其
根而植其本又觀臨歿數言蓋亦立志不移使然耳

世愚姪張之純頓首拜撰

司馬潤如弟傳

潤如諱能需晉庭公第三子也清眉秀目面如傅粉幼讀書
天資穎悟惟賦質羸弱督課稍嚴輒吐紅以故不使作勞心
事值家道中落不得已去蘇金閫習洋廣業既冠受室邑城
馮公檢書女有奩田三十畝會居停罷業因慨然曰大丈夫
久寄人籬下安得出頭地遂與至契馥堂吳君雨亭趙君謀
自立計差無資本決然以奩田售銀偕吳趙往申江在英租
界開設瑞康號號務獨支持席不暇煖衣布食羸稍贏餘卽
與父母備後事木堅漆良厚繳罕匹是雖子職之常乃篤於

本原一見端也不五六年各夷語不譯自解洋人信且密轉
運洋商票貨動以數十萬計交易源流天下遂稱大賈新堂
構顏曰垂裕吳城申浦置廣廈三田園日闢二老一應輕煖
咸備食必貳膳尋常事耳時晉庭公年屆古稀爲上壽車馬
盈門高朋踞祝躬答拜彬彬有儒雅風咸嘖嘖稱玉堂人物
不圖於闐闐中得之然猶不足爲弟奇也戊子歲椿萱旬日
並謝先期電音促回父垂危而母方病左殯殮右湯藥躬親
兼理因悔生前重利輕別未逮養以稍盡烏私惟冀終天抱
恨愛日猶誼致事父忱以事母尋亦不起於是椎心泣血痛

不欲生戚族慰諭備至泣然曰自問無以爲子欲以送往減
事生罪毋惜財乃爲大治喪禮佈置得未曾有遐邇聞訃雲
集章聯錦簇扶柩日遠近觀者如堵牆人人無不意滿油然
愛敬心生殆所謂孝子不匱永錫爾類者也里東武廟僧性
崖與晉庭公最友善正殿寇燬迄不建僧募化無功弟出巨
款倡造工竣包荒欲爲勒石徵信力卻不居功蓋非行善也
體父心也置璜塘田六十畝有奇存祠爲義莊嚆矢曾相謂
曰此區區不足數苟及吾身而歲積成項奚氏也不虛生不
才余聞言壯之曰弟有志事竟成矣比年各省賑饑及河決

等捐以申江經商輻湊推首善區巨項必是募始弟揮霍不吝每解囊助累敘授郡司馬天恩優渥封贈厥父母妻則商而仕矣若在鄉在申比比有不識姓名者丐求無不應每歲銀千計猶爲餘事今年正當強名馳中外等而上之莫或測其涯涘誰料昊天不弔畀以金不畀以壽經秋嘔血數斗竟赴玉樓召嗚呼痛哉弟卒於客歲初冬距咸豐元年辛亥生辰享年僅四十有三嗟嗟以弟之才兼洪其度不獲身致遐齡良由經營會計心不勝勞故然後嘆少時不使讀書知子莫若父矣然無尺寸基由少有而富有居然顯親揚名不

特時賢中不數見卽古人中亦未易多得也自可傳以勸後來之貨殖者

論曰男兒自強不拘資格世有席豐履厚轉瞬而已單寒人苟克自樹立不須閥閱門楣鵬搏鳳起亦能出人頭地若弟則居奇奮蹟身邀顯秩獨出冠時白圭歟陶朱歟抑管鮑歟何必今人不若古人耶

族兄九成拜撰

Horizontal columns of text, likely a poem or a list of entries, arranged in a grid-like structure within a double-line border.

節母薛孺人傳

甲午春族姪孫遠謀謁余爲其祖母乞傳余命遠謀述其畧
遠謀曰謀也小子無自盡知然所不能見而知者亦嘗聞而
知矣祖母薛氏路岐村太學生襄公之女祖上襄公之配
也路岐村薛素有女訓歸於他姓者多知禮法吾祖母爲其
尤于歸時曾祖玉振公已謝世高祖錦春公尙在堂祖母克
修婦職以孝聞逾年生吾父夫婦之際旣如賓相敬亦偕老
同歌也乃未及三年吾祖一豎忽侵醫緩束手竟至不起祖
母年二十有二痛哭失聲欲以身殉有從旁勸慰之并以仰

事俯育之大義責之祖母乃稍自節哀復主中饋明年高祖歿祖母助曾祖母華經營喪葬凡附身附棺者無不竭力以備里黨稱焉同治癸亥紅巾肆擾瀕里不復可留祖母遂結伴奉曾祖母挈吾父母渡江而北僦居靖江曾祖母年齒已邁旋卒於寓祖母在傾覆流離之候歛葬稍從薄而哀戚有加是歲王師克復江陰仍返故園數口無恙祖母之力也兵亂之後家徒壁立祖母百計營生始焉僅免饑寒繼則漸能豐裕且喜似續有人可以卽安孰知光緒壬午吾父忽歿遺子女四人祖母年近六秩復振精神操家政爲三孫有室爲

孫女有家可謂勞矣至於洽比鄰家周旋戚屬求無勿與捐
無勿從此特其小節不足重輕者也今祖母已過稀齡猶稱
矍鑠謀等不才異時懸匾建坊將有賴於族中之君子余聆
所述曰是可以傳矣遠謀既退遂坐於漱潤齋濡染不律以
誌之

叔黼恩謹撰

案生傳之例開自昌黎後人代有作者光緒甲午補輯家
乘其時孺人尙存而年已七十有一故先嚴仿韓氏之
例爲作此傳後譜事因事中輟此傳幾散佚茲當族議重

修於破爛敗紙之中掇拾得之用附數言以誌欣幸孺人
享壽至七十有七蒙學憲楊公題給柏節松齡匾額名列
公坊載入邑志於光緒二十六年庚子七月初一日卽世
今也會玄輩出岐嶷堪稱於以見孺人之貽厥孫謀者遠
也

姪忠源謹識

清源公傳

公諱能齋字福泉蓮峯公次子幼喪父旋丁洪楊亂爲寇兵所擄徼天倖得脫其時母氏張又殉難公舉目無親徬徨無所底轉輾抵常郡邂逅同姓名生寶公者憫其孤苦留養於家亂平後延師課讀栽培如己出公亦刻苦自勵好學不倦朝夕侍奉唯謹及長擇配丹徒胡氏俾公自立成家蓋生寶公待之若子公則倚之若父也迨考取府學僭生卽佐幕府兵房懃懃懇懇黽勉從公終其身未嘗稍自苟且公性好善嚴取與雖家貧無擔石儲然親友緩急輒相助里南義成橋

跨江錫交界爲南北通衢地僻河廣圯廢已久公慨然偕族姪運環邦直設渡以濟行人並結茅供大士像積香火貲如是者三年集有成款遂發起興建不足則奔走勸募卒底於成公之精誠毅力洵足稱焉厥後屢圯屢修至民初邦直公首斥私財倡建石橋由是遐邇稱便溯其初何莫非公等開其先邦直公方有以繼其後乃克一勞永逸也哉本屆續修宗譜距公歿已四十年文孫遠徹相與朝夕共事深恐公之盛德日久就湮也輒唏噓嘆惋不已夫闡幽發潛迺後生之責遠定豈敢辭爰不揣謏陋以次之

論曰皇天無親惟德是輔公幼逢喪亂家貧無依將胡以爲生幸荷同姓見憐得苟全性命於鋒鏑之餘殆吉人天相之謂歟及授室成家天之昌大其門固所宜也乃丁衰祚薄迄今祇遺遠徹一人尙賴外家胡氏之教養始克成立豈天道不足憑而人事有乘除消長耶觀公急公好義忠厚老成一以裕後爲心則餘澤沾被子孫者寧有限量哉世之一入公門機械變詐唯利是圖而其後人反坐享富厚以彼視公不禁感慨係之矣

再姪遠定拜撰

... 淮源集卷三 ...

